

故事志一

光緒順天府志六十五

時政上

黃岡洪良品纂江陰繆荃孫覆輯

燕之時政宅幽紀於書城韓詠於詩紀述寥寥無從補綴降及七
國事蹟大備遼金元明於此宅都得失之幾首在布政我

朝定鼎

列聖經營宏冊大典獨詳首善涵濡茂育沐義浸仁蚩蚩者民幾
忘帝力京尹職司譏旬宣化承流語曰前事之不忘後事之師也
守官者其體

聖王之遠圖哉志時政

陶唐

唐命和叔宅朔方曰幽都

書典

流共工於幽陵

史記五帝紀

周

武王十三年封帝堯之後於薊

禮樂記

封召公於北燕

史燕召公世家

按

竹書紀年武王十三年大封諸侯据以繫年

成王十二年王錫韓侯命

竹書紀年

宣王二年燕惠侯薨

竹書紀年

子釐侯立

史燕世家

四年命蹶父如韓韓

侯來朝

竹書紀年

三十七年燕釐侯卒

竹書紀年

子傾侯立

燕世家

平王四年燕傾侯卒

竹書紀年

子哀侯立

燕世家

六年燕哀侯卒

竹書紀年

子鄭侯立

燕世家

四十二年鄭侯卒子繆侯立

燕世家

桓王十一年繆侯卒子宣侯立

燕世家

二十三年宣侯卒子桓侯

立

燕世家

莊王六年桓侯卒子莊公立

燕世家

惠王十三年燕君送齊桓公出境桓公因割燕所至地予燕

燕世家

十九年莊公卒子襄公立

燕世家

頃王元年襄公卒桓公立

燕世家

定王五年桓公卒宣公立

燕世家

二十年宣公卒昭公立

燕世家

簡王十二年昭公卒武公立

燕世家

靈王十年武公卒文公立

燕世家

二十三年文公卒懿公立

燕世家

二十七年懿公卒子惠公立

燕世家

齊高止來奔

左傳

景王六年惠公欲去諸大夫而立寵姬宋大夫共誅姬宋惠公奔

齊

燕世家

按索隱云宋或作宗劉氏云其父兄為執政故諸大夫共滅之

十年立悼公

燕世家按史記悼

公之立未詳其年据左氏傳晏子燕有君之言是惠公奔齊即立悼公也以平公十八年柏舉之役推之當立於是年

暨

齊平

春秋昭公七年云燕及齊平與服虔合

按杜注

十六年悼公卒共公立

燕世家

二十一年共公卒平公立

燕世家

敬王十年平公卒簡公立

燕世家

二十七年簡公卒獻公立

燕世家

定王四年獻公卒孝公立

燕世家

十九年孝公卒成公立

燕世家

考王七年成公卒湣公立

燕世家

威烈王二十三年湣公卒釐公立

燕世家

烈王三年釐公卒桓公立

燕世家

顯王七年桓公卒文公立

燕世家

三十六年文公卒太子立是為

易王

燕世家

四十六年燕君為王

燕世家

四十八年易王卒子燕

噲立

燕世家

慎靚王三年屬國子之

燕世家

赧王元年齊伐燕取子之醢之殺王噲

大事記

燕亡

紀元編

三年太

子平立是為昭王昭王為郭隗築宮而師事之

通鑑

三十六年

昭王卒子惠王立

燕世家

四十三年惠王卒武成王立

燕世家

五

十八年武成王卒子孝王立

燕世家

孝王二年卒王喜立

燕世家

王喜士一年築長城置上谷漁陽右北平遼西遼東郡太子丹質

於秦通鑑三十三年太子丹逃歸燕世家二十七年太子丹使

荆軻獻督亢地圖於秦燕世家三十三年秦滅燕虜王喜史秦紀

漢

高祖元年二月徙燕王韓廣為遼東王都無終燕將臧荼為燕王

都薊史記秦楚之際月表五年臧荼反封盧綰為燕王漢紀十二年燕王

綰反周勃擊下薊綰亡入匈奴立子建為燕王賜燕吏六百石以

上爵各一級漢高帝紀

高后七年靈王薨有美人子殺之國除通鑑八年立呂通為燕

王九月誅通鑑

孝文元年徙瑯琊王澤為燕王至孫定國免寰宇記

武帝元狩六年封皇子旦為燕王寰宇記

燕王旦發民會圍大獵文安縣以講士焉

漢書燕王旦列傳

後元元年燕王旦坐藏匿亡命削良鄉安次文安三縣

通鑑二十一

昭帝元鳳元年旦自殺改國爲廣陽郡

寰宇記

宣帝本始元年更爲國以封燕刺王太子建爲王領縣四都薊建

會孫嘉王莽時絕

寰宇記

新莽始建國二年流劉棻於幽州

通鑑三十七

後漢

光武初封叔父良爲廣陽王後徙王趙省廣陽合上谷

寰宇記

和帝永元元年復立廣陽郡幽州刺史與郡同理

寰宇記

獻帝初平元年四月以幽州牧劉虞爲太傅幽部應接荒外資費

甚廣虞敝衣繩屨食無兼肉務存寬政督勸農桑開上谷胡市之

利通鹽錢之饒民說年登穀石三十青徐士庶避難歸虞者百餘

萬口通鑑五十九

建安十八年改屬冀州又復立幽州據三國志

晉

泰始初封文帝子機為燕王機薨無子國除尋改范陽郡曰范陽國分上谷置廣甯郡仍隸范陽國改右北平為北平而幽州存焉

領郡國七理于涿寰宇記

惠帝永嘉五年七月王浚設壇告類立皇太子布告天下通鑑八十七

後趙

石勒每破一州必簡別衣冠號為君子城洎平幽州擢荀綽裴憲

等還襄國經此俗訛為箕子城方輿紀要

後燕

慕容垂建興四年燕以長樂公盛鎮薊城修繕舊宮通鑑一百七 六

年正月燕置行臺於薊

通鑑一百七

後魏

明元帝奉常五年九月魏主如幽州

通鑑一百十九

世祖始光四年正月己亥行幸幽州

魏太武帝紀

延和元年九月徙營邱成周遼東樂浪帶方元菟六郡民三萬家

於幽州開倉以賑之

魏太武帝紀

太延三年二月行幸幽州存恤孤老問民疾苦

魏太武帝紀

裴延儻轉平北將軍幽州刺史范陽郡有舊督亢渠徑五十里漁

陽燕郡有故戾陵諸堰廣袤三十里皆廢毀多時莫能修復時水

旱不調民多飢餒儻謂疏通舊迹勢必可成乃表求營造遂躬自

履行相度水形隨力分督未幾而就溉田百萬餘畝為利十倍百

姓至今賴之

魏書列傳

東魏

武定三年十月丁卯神武上言幽安定三州北接奚蠕蠕請於險

要修立城戍以防之躬自臨履莫不嚴固

北齊神武帝紀

齊

文宣帝天保六年發夫一百八十萬人築長城自幽州北至夏口

南至恆州九百餘里

北齊文宣帝紀

齊孝昭皇建中平州刺史稽曜建議開幽州督亢舊陂長城左右

營屯歲收稻粟數十萬石北境得以周贍

隋食貨志

斛律羨轉使持節都督幽平營東燕六州諸軍事幽州刺史導高

梁水北合易京東會于潞因以灌田邊儲歲積轉漕用省公私獲

利焉

北齊書列傳

隋

文帝仁壽三年賜幽州總管燕榮死榮性嚴酷鞭撻左右動至千數嘗見道次叢荆以爲堪作杖命取之輒以試人人或自陳無罪榮曰後有罪當免汝旣而有犯將杖之人曰前日被杖使君許以有罪宥之榮曰無罪尙爾況有罪邪杖之自若觀州長史元弘嗣遷幽州長史懼爲榮所辱固辭上勅榮曰弘嗣杖十已上罪皆須奏聞榮忿曰豎子何敢玩我於是遣弘嗣監納倉粟颺得一糠一粃皆罪之每笞雖不滿十然一日之中或至三數如是厯年怨隙日構榮遂收弘嗣付獄禁絕其糧弘嗣抽絮雜水咽之其妻詣闕稱冤上遣使案驗奏榮爲暴虐贓穢狼籍徵還賜死元弘嗣代榮爲政酷又甚之

通鑑一百七十九

煬帝大業四年春正月詔發河北諸郡男女百餘萬開永濟渠引

沁水南達于河北通涿郡

隋煬帝紀

七年二月乙亥上自江都御龍

舟入通濟渠遂幸于涿郡壬午詔曰武有七德先之以安民政有六本興之以教養高麗虧失藩禮將欲問罪僚佐恢宣勝略雖懷伐國仍事省方今往涿郡巡撫民俗夏四月庚午幸涿郡之臨朔

宮

北史煬帝紀

七月發江淮以南民夫及船運黎陽及洛口諸倉米

至涿郡舳艫相次千餘里

通鑑

七年征高麗煬帝遣諸將於薊城

南桑乾河上築社稷一壇帝齋於臨朔宮懷荒殿

通典

八年春正

月四方兵皆集涿郡凡一百一十三萬三千八百人號二百萬其

餽運者倍之宜社于南桑乾水上類上帝于臨朔宮南祭馬祖于

薊城北

通鑑

十年三月壬子行幸涿郡癸亥次臨榆宮親御戎服

禱祭黃帝斬叛軍者以鬻鼓

北史煬帝紀

唐

高祖武德九年六月庚辰幽州都督盧江郡王瑗反伏誅癸未赦

幽州管內爲瑗所註誤者

新書高祖紀二

太宗貞觀十九年四月癸卯誓師於幽州大饗軍

新書太宗紀

十月

征遼還次營州十一月癸酉帝至幽州幸城南大饗軍士勞之曰

朕執賞罰之柄懸諸日月有功於國賞不踰時飲至之禮古今常

事朕欲徧置酒殽咸宜樂飲

冊府元龜一百九

則天時侍御史桓彥範受詔於河北斷塞居庸岳嶺五迴等路以

備突厥

舊書武后紀

元宗開元二十一年張守珪轉幽州長史兼御史中丞頻出擊奚

契丹每戰皆捷契丹別帥李過折斬首領屈刺衙官可突于率眾

以降守珪因出師次紫蒙川大閱軍實譙賞將士詔於幽州立碑

以紀功賞

舊書列傳

裴行方檢校幽州都督引盧溝水廣開稻田數

千頃百姓賴以豐給

冊府元龜

天寶三載以安祿山兼范陽節度使

通鑑輯覽五十五

十四載十一月

安祿山反

通鑑輯覽五十五

肅宗至德二載十二月史思明以范陽降

通鑑輯覽五十六

乾元七年史思明反殺范陽副使烏承恩

通鑑輯覽五十六

代宗廣德元年以李懷僊爲盧龍節度使

通鑑輯覽五十六

三年六月

幽州州將朱希彩殺節度使李懷僊詔以希彩知留後

通鑑輯覽五十六

七年七月幽州將殺節度使朱希彩以朱泚代之

通鑑輯覽五十七

八年九月朱泚入朝以弟滔知留後

通鑑輯覽五十七

德宗建中三年朱滔反

通鑑輯覽五十七

十一月滔自稱冀王

通鑑輯覽五十七

貞元元年六月朱滔死以留後劉怱爲節度使

通鑑輯覽五十八

秋劉

怱卒以其子濟爲節度使

唐書列傳

憲宗元和五年濟子總弒濟及其兄緄自領軍務

通鑑輯覽五十九

穆宗長慶元年劉總棄官爲僧以張弘靖代之

通鑑輯覽六十

三月丁

巳赦幽涿檀順瀛莫營平八州死罪以下給復一年賜盧龍軍士

錢

新書穆宗紀

七月盧龍軍亂囚張弘靖推朱克融爲留後

通鑑輯覽六十

敬宗寶歷元年五月軍亂殺朱克融而立其子八月都將李載義

殺之尋以載義爲節度使

通鑑輯覽六十

文宗太和五年盧龍將楊志誠逐李載義二月以志誠爲留後

通鑑

輯覽六十

十月幽州軍亂逐楊志誠以史元忠爲節度使

通鑑輯覽六十

一六年賜故幽州觀察判官攝監察御史韋雍妻蕭氏蘭陵縣

君

冊府元龜一百四十

武宗會昌元年六月盧龍軍亂十月雄武軍使張仲武討平之詔

以仲武爲節度使

通鑑輯覽六十一

宣宗大中三年仲武卒子直方爲留後尋舉族逃歸京師推牙將

周綝為留後通鑑輯覽六十二 綝卒以張允仲為留後通鑑輯覽六十二

懿宗咸通十三年允仲卒詔以張公素為節度使通鑑輯覽六十二

僖宗乾符三年李茂勳逐張公素以茂勳子可舉為節度使通鑑輯覽

光啓元年盧龍將李全忠殺節度使李可舉代之通鑑輯覽六十二 二

年八月全忠卒以其子匡威為留後通鑑輯覽六十三

昭宗景福元年二月李匡威為弟匡籌所逐匡籌自稱留後通鑑輯覽

乾甯元年李克用克幽州留後李匡籌走死通鑑輯覽六十四 二年以

劉仁恭為留後通鑑輯覽六十四

梁

梁太祖開平元年劉仁恭為其子守光所囚通鑑輯覽六十五 三年梁

以守光為燕王通鑑輯覽六十五 四年三月晉推守光為尙父通鑑輯覽六十

五 八月守光稱帝通鑑輯覽六十五

乾化三年十一月晉克幽州執守光以周德威爲節度使

通鑑輯覽六十六

後唐

莊宗同光元年以李存審爲節度使二年以李存賢爲節度使

通鑑

輯覽六十七

明帝長興三年趙德鈞爲節度使于幽州東北百餘里城三河縣潞縣以通薊州運路遼人來爭德鈞擊却之九月朔城三河畢邊

人賴之又城閭溝通涿州

通鑑輯覽六十八

遼

太宗會同元年十一月晉遣趙瑩奉表以幽薊瀛莫涿檀順媯儒

新武雲應朔寰蔚十六州并圖籍來獻於是詔升幽州爲南京

遼太

宗紀

二年五月乙巳禁南京鬻牝羊出境

遼太

三年四月庚子

至燕駕入自拱辰門御元和殿行入閣禮壬戌御昭慶殿宴南京